



Projet promovût di 'La Vôs dai Furlans' e 'ARLeF'

Lu saveviso che...?

A son dôs zornadis ricognossudis par fâ fieste ai nestris gjats: la prime e je di dute Italie e e cole doman, ai 17 di Fevrâr, invezit chê internazionâl e je ai 8 di Avost. Ma lu saveviso che i gjats a colin sinpri in pîts? Chest al sucêt parcè che il lôr cuarp al è une vore elastic e, intant che a colin di un puest alt, par esempi di un arbul, un barcon o un armaron, a plein la schene in maniere di rivâ a voltâsi drets intun lamp e prontâ lis talputis par no fâsi mâl rivant a tiere. I tuis a son bulos tant che paracadutiscj!



La conte de setemane


Tal cjistiel di Ruvigne, la principesse Sofie, une vore viziade e disubidiente, e fâs rabiâ un mâc. Chest, par sindic le mude intune gjate...

Cjalìn insieme "La principesse Gjate" de serie *Sul Troi des contis* su




cumò fâs tu!

Ce ninins chescj tuis!  
Ma, cjale ben: doi a son companjns.  
Rivistu a cjatâju?



Piture il dissen



Ridi a plene panze!

Chiara i dîs ae sô amie: "Sâstu che la mê gjatute e sta simpri dongje dal barcon? E je une persiane!"

LES IMAGES A SON GIAMADIS FÛRDI HTTPS://ITEREPEK.COM - HTTPS://PKABAY.COM - HTTPS://ARLEF.IT

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** La invidie e je une brute bestie, soregut se tu le âs par chei che ti vuelin ben.



**Taur.** Cualchi zornade tu sês svearin, cualchi altre indurmidît, cjate une vie di mieç.



**Zimui.** Tu âs pôre che i bêçs no ti bastedin, ma se tu stâs daûr dal to program, no tu âs di vê pôre di nuie.



**Gjambar.** Finîs di pensâ che tu rivis a otignî dut, al è miôr contentâsi di dulà che tu rivis, che al è za tant.



**Leon.** Tu âs di sclarîti miôr cuntun ami, che nol à capît ben parcè che tu ti compuartis cussì.



**Vergjine.** Tu âs salt tal gjâf un pinsîr che ti fâs rabiâ, ma cussì il probleme no tu lu disberdeis.



**Belance.** Lis stelîs ti dan un biel sburt tai afârs di bêçs, tu âs di approfîtâ ancje parcè che l'aiar al zire.



**Sgarpion.** Chestis zornadis ti platin plui di une sorprese, soregut tai rapuarts cu lis personis.



**Sagjitari.** Cualchidun al cîr di fâti inçopedâ, tu âs di moviti prime che si inacuarzedi di jessi scuviert.



**Bec di mont.** No tu rivis a durmî par un probleme che al sta par rivâ, ma no pierdi il sium ti judarâ a frontâlu miôr.



**Agarûl.** Timp indaûr tu âs semenât une vore ben e cumò e je ore di cjàpâ sù i risultâts.



**Pes.** Sul lavôr tu sês une fuarce e duçj ti amirin, ma ancje la tô famee e merete il to timp.